

¡BOMBA!

¡Que la música intoxique!  
todos hacen sus apuestas;  
que de dirigir orquestas,  
vaya que sabe Enrique



# K'intsil

Lunes 27 de octubre de 2025

CAMPECHE · YUCATÁN · QUINTANA ROO · AÑO 11 · NÚMERO 2593 · [www.lajornadamaya.mx](http://www.lajornadamaya.mx)

## Chuup cha'antabik u noj keetil F1; k'iimbessa'ab Ciudad de México 10 ja'abo'ob káajak le keetila'



**L**ando Norris tu p'ataj paachil McLaren, Oscar Piastri, ichil máaxo'ob táaka'an te'el keetilo'. Leti' p'áat tu jach ka'analil Gran Premio ti' u noj kaajil Ciudad de México.

Norrise' táanilchaj 30.3 segundos ti' Charles Leclerc (Ferrari), ts'o'oke' Max Verstappene' (Red Bull) ma' jach k'aas úuchik u k'alik le ts'ook

k'iino'oba' tumen béeychaj u p'áatal tu yóox kúuchil ketlam. Beyo', ma' jach náak p'áatik ka'alikil chéen kamp'éel fechas p'áatal ti'al u ts'ookol le temporada je'ela'.

Jump'éel vuelta antes u ts'o'okol keetile', ila'abe' je'el u máasa'al Leclerc tumen Vertappen, jump'éel virtual safety care' tu beetaj u láaj éensik máak u chichil u bin,

ka jp'aatako'ob jach je'ex yaniko'obo', le beetike' ma' k'éex mix ba'al yóok'olal máaxo'ob béeychaj u na'akalo'ob podio'.

Chan talamchaj ba'al ti' neerlandesil Red Bull máak tumen táats' jóok'ik yéetel u llantasil, ts'o'oke' tu k'exaj a medios. Kúulpach ti' ba'ax k'aabéetkuns'a'ab tumen Norris yéetel Leclerc, ts'o'oke' kex beyo',

tu p'ataj paachil le quinto kúuchil tu'ux yaan ka'ach ka'aj káajo'.

Piloto Oliver Bearmane', ti' u múuch'il Haase, chíikpaj te'el k'iino' tumen tu kan kúuchil ts'o'okij, ts'o'oke' jach keetel u bin yéetel Verstappen.

Walkil túuna', 357 puntos yaan ti' Norris. Chéen jump'éel maanal yóok'ol Piastri.

Verstappene' láayli' táan u náats'al, ma' jach paachil p'áatiki', úuchik u k'uchul yéetel 321.